



Extrait de la revue **SingulierS** du 1^{er} trimestre 2008

Revue des parlers romans de la province de Luxembourg

Editeur responsable: P. Otjacques, rue de la Hette 19 - 6840 Neufchâteau

Rubrique : Textes

Lès crûs d' bwès

Joseph DOCQUIER
(wallon de Ville-du-Bois)

Al cwène dèl vòye, so l' vîche crûs d' bwès

La k' bin sovint dji rprind alon.ne

Gn-a eune présince ki m' tind sès brès,
Ki djâze a m' coûr èt strind mès von.nes.
Deûs ou treûs fleûrs, min.me on buskèt,
Pinsêye d' eune djint k' avût dèl pon.ne.

Al cwène dèl vòye, so l' vîche crûs d' bwès

La k' bin sovint dji rprind alon.ne

Dispôy vint siêkes, on cnoche si vwès
Si doûce loukeûre ki nos rasson.ne.
Po n' pus cori so lès-avon.nes
Dès-ôtes, nos frés. Il èst nosse Rwè.

Al cwène dèl vòye, so l' vîche crûs d' bwès

La k' bin sovint dji rprind alon.ne.

Malêjis mots

alon.ne = haleine / **avon.ne** = avoine / **buskèt** = bouquet / **crûs** = croix / **cwène** = coin, corne / **loukeûre** = regard / **vîche** = vieille / **von.ne** = veine.